

HEGO EUSKAL HERRIKO LANGABEZIA. Langabeen kopuruak gora egin zuen azaroan Hegoaldean. Igoera, dena den, Bizkaian soilik nabaritu zen, beste hiru herrialdeetan behera egin zuelako.

Hego Euskal Herrian 786 langabe gehiago zenbatu dituzte azaroan, eta tasa %7,86ra iritsi da

Herrialdeka, Bizkaian gora egin du langabeziak, 942 lagun gehiago geratu baitira lanik gabe; Gipuzkoan, Araban eta Nafarroan, aldiz, apur bat behera egin du

Erredakzioa | DONOSTIA

Azaroan Hego Euskal Herrian 786 langabe gehiago zenbatu zituzten INEMen bulegoetan, baina joera desberdinak zituzten lau herrialdeek. Araban, Gipuzkoan eta Nafarroan langabeziak apur bat beherantz egin zuen; Bizkaian, aldiz, igoera nabarmena izan zuen. Guztira, langabezi tasa %7,86koa izan zen iragan hilean Hegoaldean, betiere Espainiako Enplegu Institutuak emandako datuak kontuan hartuz gero.

Iazko azaroarekin alderatuz gero, hala ere, langabeziak behera egin du Araban (%5,94), Bizkaian (%4,42) eta Gipuzkoan (%2,13), eta Nafarroan, aldiz, igo egin da: %2,06.

Azaroan, beraz, Bizkaian 942 pertsona gehiago geratu ziren lanik gabe, eta %2,22 egin zuen gora langabeziak. Araban, aldiz, 90 langabe gutxiago izan ziren, Gipuzkoan 31 gutxiago, eta Nafarroan 35 gutxiago.

Behin-behinekotasun handia

Aurreko hilabeteetako joera bera ageri dute, bestalde, azaroan egindako kontratazioek. Hala, azaroan egindako kontratazioetan sinatutako hamar kontratutik bat baino ez da mugagabea; gainerakoak behin-behinekoak dira. Herrialdeka, Nafarroak du behin-behinekotasun tasarik txikiena: %89,38koa. Bizkaiak du behin-behineko kontratazioen tasa handiena: %92,02koa, hain zuzen.

Azaroko datuei jaramon eginenez gero, batez ere emakumeek jasaten dute langabezia. Hala, lanik gabe dauden hiru pertsonatik bi emakumeak dira, oro har. Gizonezkoen artean tasa %4 ingurukoa da, eta emakumezkoen artean %12tik gorakoa.

EAEko CCOO sindikatuaren

Langabezia INEMen arabera

Hego Euskal Herrian

Urria-Azaroa	90.470
Langabetu kopurua	
Langabetu gehiago	+786 (%0,97)

Langabezi tasa: 7,86



Espainian

Urria-Azaroa	1.572.847
Langabetu kopurua	
Langabetu gehiago	+32.844 (%2,13)

Probintziak

Urria	
Azaroa	
ARABA	-90 (%0,94)
Langabetu gutxiago	
9.583	
9.493	

BIZKAI	+942 (%2,22)
Langabetu gehiago	
42.441	
43.383	

GIPUZKOA	-31 (%0,15)
Langabetu gutxiago	
20.651	
20.620	

NAFARROA	-35 (%0,21)
Langabetu gutxiago	
17.009	
16.974	

ALEMANIA

Langabezi tasa %9,2ra iritsi da

Alemanian atzo plazaratu zituen Lanaren Bulego Federalak langabeziari buruzko datuak. Azaroan 143.700 langabe gehiago zenbatu zituen bulegoak, eta tasa %9,2koa izan zen. Orotara, beraz, abendu hasieran 3.788.900 langabe zeuden Alemanian. 1998ko martxoaz geroztik, herrialdean izan den langabezi igoerarik handiena izan da iragan azarokoa. Bernhard Jagoda bulegoko presidenteak aditzera eman zuenez, beldur dira neguko hilabeteetan langabezia 4,3 milioira iritsiko den. Horrek leku desegokian utziko luke Gerhard Schroeder kantzilerra, 3,5 milioiko muga ezarri baitzion langabeziari. «Munduko ekonomiaren moteltzeak eragin handia dauka Alemania mendebaldean, bertan dagoen industrialde handiagatik, bereziki», argudiatu zuen Jagodak.

arabera, datuok agerian uzten dute moteltze ekonomikoak «eragin txarra» duela enpleguan. CCOOk salatu zuen egungo egoera ekonomikoaz baliatzen direla enpresak enplegua murrizteko, eta,

ondorioz, hurrengo negoziazio kolektiboan gai horri garrantzi handia emango diola gaineratu zuen.

Nafarroan langabeziak behera egin zuela eta, Jose Manuel Ayesa Nafarroako Enpresabu-

ruen Konfederakundeko (CEN) presidenteak adierazi zuen foru erkidegoa jarrera ona azaltzen ari dela ahulaldi ekonomikoan.

UGT sindikatuaren arabera, bestalde, Eusko Jaurlaritzaren eta Madrilgo gobernuaren enplegu politikek «porrot» egin dutela islatzen dute datuok. «Euskadin enpleguak okerrera egin du, bai kantzitatean eta bai kalitatean, eta prekaritateak maila onartezinean segitzen du», adierazi zuen.

Espainian ere gora

INEMen datuen arabera, Espainian langabeziak nabarmen egin zuen gora (%2,13): 32.844 langabe gehiago.

IU alderdi politikoak kritikatu zuen langileak PPko gobernuaren «triumfalismoaren lehen biktimak» izan direla. IUko Javier Alcazarrek salatu zuen azken hamabi hilabeteetan 16.000 langabe gehiago izan direla Espainian; aurreko urteetan, aldiz, behera egin zuen.

ARRANTZA

Bruselak legatzari buruz proposatutakoak baztertu egin ditu Jaurlaritzak

Erredakzioa | DONOSTIA

Bruselak datorren urteko arrantza kuotei buruzko proposamenak kaleratu zituen herenegun, eta, besteak beste, legatzaren harrapaketa kuota iaz bezala uztea erabaki zuen. Jaurlaritzak baztertu egin zituen proposamenok, eta Europako Arrantza ministroen Kontseiluak eskaintza zuzendu behar duela uste du.

Miguel Macias Arrantza sailburuordearen arabera, aurtun legatzari buruzko azterketa osatuagoak egin dituzte zientzialariek, eta, datuek erakusten dutenez, legatza ez dago megoera larrian. «Aurtengo garapen zientifikoak agerian utzi ditu aurreko urteetan eginiko azterketetan akatsak izan direla, eta horiek eraman zuten iaz kuota neurrigabe murriztera», adierazi zuen Maciasen.

Horregatik, Gasteizko gobernuak uste du berriro legatzaren kuota 42.000 tonara itzuli beharko litzatekeela, egungo 22.000 tonen ordez.

HIPOTEKAK

Hipoteketan biribiltze klausula kentzea eskatzera aholkatu dute

Erredakzioa | DONOSTIA

Epai batean orain gutxi adierazi dutenez, Caja Madridek interes aldakorreko hipoteketan ezarritako goranzko biribiltze klausulak ez du baliorik. Gainera, Caja Madridek hemendik aurrera ezingo du erabili klausula, itzuli egin beharko ditu gehiegikeriaz ezarritako kopuruak, eta kalte-ordainengatik ere ordaindu egin beharko dio salaketa aurkeztu zuen bezeroari.

Horren inguruan, Eusko Jaurlaritzako Kontsumo Zuzendaritzak kontsumitzaileei gomen-datu die finantza erakundeetara joatea klausula hori kentzeko eskatzera.